

Ämöti hi saite khimi hai mätae te

The Parable of the Sower and the Seed



Luka 8:4-15

Lemi (chin)

Ämöti hi saite khimi hai mätae te

The Parable of the Sower and the Seed

Lemi (chin)

Myanmar



<http://creativecommons.org/licenses/by/4.0/>

You are free to make commercial use of this work. You may adapt and add to this work. You must keep the copyright and credits for authors, illustrators, etc.

Illustrations by Sweet Publishing <http://sweetpublishing.com/>

This work is licensed under the Creative Commons Attribution-ShareAlike 3.0 Unported License. To view a copy of this license, visit <http://creativecommons.org/licenses/by-sa/3.0/> or send a letter to Creative Commons, 444 Castro Street, Suite 900, Mountain View, California, 94041, USA.

Scripture passages are from the New English Translation

The introduction and study questions were developed by Michelle Miller and Pang Snta' to be used with an audience of elementary-age children or with new believers who have limited background knowledge of the Scriptures. The goal of the questions is to help people engage with the Bible stories through a discussion format. The questions in this guide may be freely adapted as deemed appropriate for a particular audience.

Aetawng angcū te.

- 1.Nang lä angkhaw sa kha {Anti anjang na, müi üng saite äkung na, äpa kung na e vai mei?
2. Äthai äpa kähawi dang hethang nang üng angkhaw tea nang lä mani kätyng sä mei?
- 3.Äthai, äpa kähawi na tho hethang angkhaw tea mäka ty mei?

Isu älawng qawng-a awng te thüng, Isrelae pre üng khimi na lä lai kälu sa saite na vi. Äni ce e saite caw na lä Barley caw hai kjung näsaite caw na vi.Isrelae pre üng khimi ce amöti e saite hai mä-ai e saite lä aetawng y. { Äpung mätü pa}. Lai kälu sa saite na lä älawng mäcai mang vi. Tupyng-a älawng käpang qawng-a amöti hi sälö-a lai angdawng-a aeke prei vi. Mä-ai e te kätyng,äni ce lä ämöti bung tui thung. Hini cäkae thung-a, Säthaw üng äphüng, Äma üng lo sai hai mä-ai üng bälung phüng na mä-ai tea mätu hethang ämoti hi saite äphüng Isu lä mätae te lo thui te vi.





Märü qütä mang üng khimipui na lä aekäcüng ö te thüng-a, Isu lä mätae te hai äni ce tea älo thui pa.

“Lai sa te khimi lawngtä lä ämöti hi hethang lai-a ly. Hi te kätü-a ämöti phütä lä lolang qawng-a aeqa vi. Tupyng-a ämöti tea lä khimi ce ma thaw kha tävaw na ma ca king.



Ämöti phütä na lä älung qawng-a aeqa vi. Äkung aepra
ngaila tui dang y kha cei raw vi.




Ämöti phütä na lä angling kung säla-a aeqa vi. Angling kung na lä äkung hai mangtä ryng kha äkung na tea bäjang pa vi.



Tudylä ämöti phütä na lä älawng kähawi-a aeqa vi. Äkung lä aepra ea ryng kha äthai na aethai mang pa dy. Lai sa te kung üng ämöti hi saite lä phü cungvaitä dang rae pa vi” näpa.

Tupyng-a Isu lä “Känawkhing awng saite khimi na lä thaikaw ö sy” näkha näpa.




Äkähui na ma Isu tea “Hini mätae saite lo lä makä näte vi nang mei” näkha düng pa. Isu ma äni ce tea “Säthaw lä nang ce tea äni üng pre phüng ho saite na mäny hai te vi. Khimi kälang na tea mätae te lo hai kai lä thui te vi.



Hini phüŋ Caekäcai-a tärü te lä 'Äni ce lä kai sa saite
kheng ngaila nung ö y. Kai ma thui saite thai ngaila
bälungva ö y' näte vi.



“Hini mätae te phüng lä hikä hei. Ämöti lä Säthaw üng älo vi. Lolang qawng-a aeqa te ämöti lä Säthaw lo thai saite khimi na tea thui te vi. Tudylä Setan angra lä äni ce bälung thung üng Säthaw lo la pa ja vi. Tukha äni ce lä yng y kha Säthaw lä äni ce bung aeqang pa y.



Älung qawng-a aeqa te ämöti na lä Sāthaw lo thai kha kawng bārai te hai yng praw saite khimi na tea thui te vi. Tungaila Sāthaw lo äni ce üng bälung thung-a cakhi y te phüng-a tänaetä yng ö te kae. Mätangca saite aeting te kätü-a lä yng jawjaw ö y vi dy.



Angling thung-a aeqa saite ämöti lä Săthaw üng lo thai
pyng saite khimi na tea thui te vi. Tungaila äni ce lä
bälung mawng saite, tawngnang saite hai mă-ai ma üng
kängai saite na phüng-a yng saite lä ryng haw y vi.



Älawng kähawi-a aeqa saite ämöti lä Säthaw lo thai pyng-
a bälung mitang hai mätung khi saite khimi tea thui te vi.
Äni ce lä Säthaw üng lo tängai jawjaw kha äthai aethai hai
vi ai” näpa.

A. Cäkae tea aedawng haile te.

- 1.Hini cäkae thung-a, Isu lä älawng amäjä re mäje ta phüng thui mei?
- 2.Älawng ngang qawng-a aeqa saite ämöti lä mäkati älawng ngang mei näte ämöti amäjä qütä üng äphüng täphawng pa.
- 3.Isu lä cäkae thui pyng-a, tängai saite na tea äni lä mäka thui pa mei?
- 4.Ämöti näte lä äte tea thui te mei? Älawng ngang näte lä äte tea thui te mei?
- 5.Isu lä mäka te phüng-a, tävaw na, lung sawng pui na,käpring angling na hai mätae te mei?
- 6.Isu lä älawng ngang kähawi tea lä ämi mäkäti hai mätae te mei?

B.Cäkae üng älawng sai tea mäny te.

- 1,Lolang qawng-a aeqa saite ämöti: Isu tea yng y hethang hai mä-ai tea bärawi hethang aethaw aesa saite setan üng phütä älang na lä äte mei?

2.Älung qawng-a aeqa saite ämoti: Säthaw te mang üng lang tämang hethang mä-ai tea xhuxa hai saite lä mäkäti amäjä na mei?

3.Angling qawng-a aeqa saite amöti: Tangkae phawisae la bärawi bäleng hai saite üng älang düng vi kha, Säthaw te mang üng mä-ai bung lolang tämang hai saite vi näkha thui haw ai mei?

4.Känawkhing awng saite khimi na lä thai kaw ö sy näkha Isu thui saite tea nang lä mäka dawng mei?

C.Cäkae tea mätawng jaw hethang.

1.Mä-ai üng bälung thung-a yng saite ämöti lä äkäthu älangdüng-a ryng hethang hai leng haw hethang mä-ai lä mani kätyng säbawng haw ai mei?

2.Mä-ai lä xuxa saite hai bärawi bäleng saite aeting te kätü-a, Isu tea mä-ai üng yng saite tea mäka mätawng khü haw ai mei?

3.Käcai muilaw lä mä-ai üng hing saite thüng-a mäkäti äthai na aethai hai hethang ngai hai te mei?

D.Aetu saite tea kheng haile te.

1.Säthaw üng lo sai lä mä-ai tea hing hai hethang tengxyng y äthai kähawi na aethai hethang hai säbawng hethang haidae awng vi.

2.Säthaw tea tämang hethang mä-ai tea bärawi bäleng saite na xuxa saite na hai bälung aevaw hai saite na tengxyng y awng.

3.Säthaw lä caekäcai thung-a amä üng lo na tea tängai saite khimi na lawng hai hethang mä-ai tea nagi hai te vi.

4.Nang äte na aetu mei lä? Nang düng hethang hae haetä awng mei?

sämai hai hethang kädawng.

Luke 8:15 “But as for the seed that landed on good soil, these are the ones who, after hearing the word, cling to it with an honest and good heart, and bear fruit with steadfast endurance.”

